

0 angloškolakoro klasi tano tle čhaveske/čhajake

JEK BROŠURA BAŠO ANGLOŠKOLAKORO KLASI



Skolverket



Tlo čhavo/čhaj ka lel te džal ko angloškolakoro klasi

Akaja brošura dela tut informacia bašo angloškolakoro klasi hem savo dužnost isi e angloškolakere klase.

TU SIAN VAŽNO

Tu sian odova so sian najpaše tle čhaveske/čhajake. Odoleske odova tu so mislinea tano but važno bašo angloškolakoro klasi. Te vakerdžan so tu mislinea tegani ovela polokho e manušenge so kerena buti othe te den tle čhaveske/čhajake odova so trebela oleske/olake.

Kaj te šaj tu te uticine tu trebela te džane sar funkcinela o angloškolakoro klasi.

Ko drumo dži ko isto cili

O pravilia bašo angloškolakoro klasi arakhena pe sar ko školakoro zakoni adžahar hem ko sikljobaskoro plani.

Ko školakoro zakoni ko enjato kapiteli vakerela pe bašo angloškolakoro klasi. Akate vakerela pe maškar o javera buča kaj o angloškolakoro klasi ka stimulirinel e sikljovneskoro angledžajbe hem sikljobe hem ka pripreminel školujbe ponodori. O sikljobe ko angloškolakoro klasi ka ovel bizo love, ama bašo disave buča šaj te oven tikne troškia bašo sikljovno. Ko angloškolakoro klasi khuvena 525 sahatia hem ola ka sprovedinen pe ko jek školakoro berš kova tano kerdo kotar jek anglojevendskoro termini hem jek anglonilaeskoro termini.

O SIKLJOBASKORO PLANI

I vlada andža jek nevo sikljobaskoro plani baši osnovno škola, angloškoro klasi hem aktivikano kher (slobodno aktivitetia). O sikljobaskoro plani lilja te važinel kotar o anglojevendskoro termini 2011 berš.

I specialno škola hem i samikani škola isi olen olengere sikljobaskere plania, ola tane skoro isto sar e osnovno školakoro plani. O čhave šaj te džan ko angloškolakoro klasi hem ko specialno škole hem ko samikane škole.

Hem e osnovno specialno škola isi ola plo sikljobaskoro plani kova tano skoro isto sar e osnovno školakoro sikljobaskoro plani. E osnovno specialno školakoro sikljobaskoro plani na dolela e angloškolakere klase.

O prvo dujto kotora - E školakoro osnovno vrednost hem buti, hem o dujto, Generalno cili hem uputstvo – važinena bašo angloškolakoro klasi hem aktivikano khert. E sikljobaskoro planeskoro trinto kotor – Studiribaskere linie bašo školakere predmetia – akava na važinela bašo angloškolakoro klasi hem bašo aktivikano kher odoleske so o sikljobe othe nane kerdo kotar lekcije hem kotar predmetengoro sikavibe. Keda ka čitine e sikljobaskoro planeskere prvo dujto kotora tegani ka džane so šaj te adžikere hem te rode kotar o angloškolakoro klasi. Sa o angloškolakere klasia ka ikeren pe ko sikljobaskoro plani.

PRAVO BAŠO ANGLOŠKOLAKORO KLASI

Sa e čhaven ki Švedska isi pravo te džan ko angloškolakoro klasi ko anglojevendeskoro termini keda pherena šov berš. I komuna kori so bešena tani dužno te nudinel tle čhajake/čhaveske jek than. Ama tuke hem tle čhaveske/čhajake nane obavezno te len odova, odova tano dobrovolno. O čhave šaj te oven primime hem angleder te pheren šov berš odova značinela kaj o starti tano fleksibilno. O džajbe ko angloškolakoro klasi nane obavezno.

Isi komunalno (opštinsko), državna hem prifatna angloškolakere klasia. Bašo komunalna angloškolakere klasia odgovorno tano jek birimi politikani komisija. Bašo o privfatno angloškole isi olen jek vodstvo (ingaribe). O angloškolengere klasia ko specialno škole hem ko samikane škole tane državna.

Korako palo korako ko jek celo dživdipaskoro sikljojbe

Ko angloškolakoro klasi šaj te kombinirinel pe e butikeribaskiri metodika kotar i angliškola hem škola. Odova tano jek kotar e angloškolakoro klaseskoro cili hem odova dela e angleškolakere klase plo identiteti. Akate duj buča kola tane hem slična aistovremeno različita ka arakhen pe hem ovela olendar jek trinto buti, akale buča kotar o čhavorikano dikhibe othe isi odova soj tano najšukar kotar duj javera svetia. Šaj vakerela pe kaj o angloškolakoro klasi tano sar jek purt maškar i angliškola hem škola.

E Angloškolakoro klasi ka pašljol ki demokratiakiri osnova. Mangel te phenel pe kaj o manuša so kerena othe buti ka keren jek phravdi hem demokratikani atmosfera kori so sakova sikljovno ka dikhel plo hem e javerengoro vrednost.

E angloškolakoro klasi ka stimulirinel sa e sikljovngoro angledžajbe hem sikljojbe hem ka pripreminel olen bašo školakoro produžibe hem te kerel šukar than bašo olengoro harmonikano angledžajbe. O khelibe, o keribe hem rodibe tane važna kotora ko školujbe, trebela te koristinel pe e sikljovngoro mangibe hem radoznalost. I osnovno točka tani kaj o angledžajbe hem o sikljobe ovela celo vreme ko sa.



O školujbe ko angloškolakoro klasi ka del e sikljovnenge šaipa te džan angle (te razvinen pes) ko pravco prema o generalno cilia ko siklojbaskoro planeskoro dujto kotor. Akala cilia važinena bašo celo osnovno školakoro vreme, znači ola našti ovena resle keda završinela e angloškolakoro klasi, ama i buti ko angloškolakoro klasi šaj ko but načinia te pomožinel e sikljovnenge te resen ko plo cili.

Disave primeria kotar asavke cilia tane kaj sakova sikljovno pali osnovno škola ka:

- respektirinel javere manušengoro vrednost,
- šaj te koristinel i švedsko čhib usmeno hem pismeno ko jek barvalo hem niansirimo način,
- šaj te koristinel pe kotar i matematika ko ponodori studiribe hem ko sakodivesutno dživdi, hemh
- lel jek lično odgovornost bašo ple studie hem bučakiri atmosfera.



Sakova angloškolakoro klasi tano specialno

O sikljobaskoro plani ka garantirinel kaj ko angloškolakoro klasi ka del pe jek isto sikljobe sa e sikljobnenge, bizo razlika kori bešea. Tari javer strana e butikeribaskoro način šaj te ovel javer ko sakova angloškolakoro klasi. Odova so pasujnela ko jek angloškolakoro klasi šaj na pasujnela ko javer klasi. I buti ka ovel kerdi sar so pasujnela e sikljobnenge, ni jek sikljobaskiri grupa nane isto sar jek javer grupa.

E komuna, e država ja pale e ingaribe (vodstvo) ki jek prifatno škola isi olen najbaro odgovornost bašo angloškolakoro klasi. Te iklile disave problemia maškar tute hem e manušencar so kerena othe buti ja pale e direktorea hem te našti rešinena odova tegani tu šaj te obratine tut ki komuna, država ja ko vodstvo.

Sorabotka/suradnja e kherea

IKo sikljobaskoro plani terdžola kaj e angloškolakoro klaseskoro sikavne/sikavnja isi odgovornost te suradžinel tuja hem te informirinel tut celo vreme baše tle čhaveskiri situacia ki škola, sar i leske/lake ki škola hem bašo džanibaskoro angledžajbe a isto te informirinel tut baše tle čhaveskiri/čajakiri lično situacia.

Akava šaj te ovel ko razno načinia; kurkeskere lilea, dikhibe dajencar-dadencar, ja pale javer, a isto te šaj ko sakodivesutno vakeriba. Tu šaj uvek te zamoline te del pe tuke informacia hem te sikave interesi bašo tlo čhavo/čaj hem bašo angloškolakoro klaseskiri buti. Tu šaj isto te informirine diso specialno so ka ovel šukar te džanen o manuša so kerena buti othe.

Palo školakoro zakoni, tu, tlo čhavo hem tle čhaveskoro/čajakoro sikavno ka ovel tumen najhari jek puti ko berš angledžajbaskoro vakeribe bašo tle čhaveskoro/čajakoro angledžajbe hem sikljobe. E sikljobaskoro plani ka ovel jek podrška bašo asavko vakeribe.





Vill du läsa hela läroplanen?

Läroplanen bör finnas i alla förskoleklasser. Du kan beställa eller ladda ned läroplanen på Skolverkets webbplats www.skolverket.se

ISBN: 978-91-87115-51-6
Grafisk form: AB Typoform
Foto: Michael McLain
Skolverket 2012

Skolverket